

Хөв-кишгин моднь өврмжтэ

Городовиковск балһснд бээдг Людмила Яковлевна Бершацкая сурхуль-эрдмин халхд хөр шаху жилдөн кедлж йовна. Бээрн өмтн дунд тоомсрта күн болна. Урднь эн оln жилдөн бичкдүдин садт, сурхульчнрин үүдэлтин Герт кедлж йовла, сүл жилмүдт болхла Людмила Яковлевна Городовиковск оln профилята колледжт немр сурхулин багшар үүлджөнө.

Л.Бершацкаян хардврт оютнр оln зүсн кедлмүд кеж, харин эрдмин һөөхүлмүдт болн марһаст орлцна. Сурхулин хөөн баһчуд цаган тустаһар давулж, "Художественн үүдэлт" гидг кружоқд орна. Людмила Яковлевна эднлэ оln зүсн кедлмүд кесн деерэн чик авг-бөрцин төрмүдэр күүндврмүд давулна, ямр нег төрэр сүв-селвгөн өгнө. Эн кружоқд общежитьд бээдг баһчуд орна, тегэд гертэсн хол бөөх оютнрт күүндх-хувалцх төрмүд оln болна. Кесг жилдөн сурхуль-эрдмин халхд кедлж йовх телэдөн багш района болн таңһчин туужин, терскн һазрин нертэ улсин туск байн материал цуглуулв. Тиигэд, эн нойн Гахаевин, таңһчин алдр үрд Ока болн Басан Городовиковихнэ тускар баһчудт келж өгнө.

Өдгө цагт интернет олзлад, оln зүсн эв-арһ олзлж ке-сөөхн болн өвөрц кедлмүд кеж болхмн. Тегэд Людмила Яковлевна тасм, цаас, эд, ноос, арс, үүрмг сувс, буудя болн талдан материалмуд олзлж баһчудла кесг кедл кев. Орс чонж келһнд эдн хойр миңһн шаху, хун шовуг келһнд 3 миңһн шаху деталь белдв. Колледжин еенд болхла эдн үүрмг сувсар хөв-кишгин мод келһнэ мастер-класс давулв.

- Өөнин байрт ирсн гиичнр төрүнд орлцад.

күн болһн эврэ бүчр кев, хөөннь цугтаһинь негдүлэд, нег мод кеввидн. Колледжин оютнр, энд урднь сурч йовсн улс, күндтэ гиичнр болн дааврта һардачнр цуһар эн кергт орлцад, оlnа күчэр сөөхн модн болснд байрлв,- гиж Людмила Яковлевна келв.

Хальмг хурл, орс чонж, ишкэ гер, оln зүсн наадһас, өлгмр хувц-хунр, түңрцг болн нань чигн кедлмүд Л.Бершацкаян кабинетиг сөөхрүлж, оln гиичнриг соньмсулна.

